

## Saksprotokoll i fylkestinget - 16.06.2021

**Sigrid Brattabø Handegard (SP)** sette fram slikt forslag:

«Pk 2 i innstillinga vert punkt 4. Punkt 4 i innstillinga vert nytt punkt 2.»

**Terje Kollbotn (R)** sette fram slikt forslag:

«Tillegg

Fylkestinget ber om at fylgjande temaplanar vert utarbeidd i tillegg i perioden:

- Temaplan for energisparing / energieffektivisering på alle felt
- Temaplan for berekraftig oppdrettsnæring
- Temaplan utflytting og vidareutvikling av statlege og fylkeskommunale arbeidsplassar i distrikta»

**Trude Brosvik (KRF)** sette på vegner av KRF, A, MDG, SP, SV, V fram slikt forslag:

«Tillegg - Siste avsnitt (siste setningane) i pkt 3.4 under overskrifta «Sikre tilgang til arbeidskraft» vert endra til:

Konkurransen om arbeidskraft i Noreg vil auke i tida framover. Vi har ein unytta arbeidskraft-reserve hos menneske med ei eller anna form for funksjonsnedsetting. Vestland fylke vil både som arbeidsgjevar og saman med partnerane i næringslivet arbeide for at denne arbeidskrafta blir inkludert. Det er også behov for å legge til rette for fleire arbeidstakarar frå utlandet. Det vil framleis være behov for mellombels utanlandsk arbeidskraft, men det bør i større grad òg leggjast til rette for å auke tilflyttinga av utanlandske arbeidstakarar på meir permanent basis for å dekke opp behovet for arbeidskraft.»

**Terje Søviknes (FRP)** sette fram slikt forslag:

«Alternativ punkt 1

1. a. Fylkestinget i Vestland vedtek «Berekraftig verdiskaping - regional plan for innovasjon og næringsutvikling 2021 - 2033» og med dei endringar som kjem fram i saka og desse endringane:

- mål om netto nullutslepp vert endra frå 2030 til 2050 i tråd med nasjonale mål for utsleppskutt.»

### Avrøysting

Søviknes sitt forslag fekk 13 røyster (FNB, U, FRP, PP) og fall.

Innstillinga vart samrøystes vedteke.

Kollbotn sitt forslag fekk 8 røyster (FNB, U, R) og fall.

Brosvik sitt forslag vart vedteke mot 9 røyster (U, FRP, PP)

Brattabø Handegard fekk vart vedteke mot 9 røyster (U, FRP, PP)

### Vedtak

1. a. Fylkestinget i Vestland vedtek «Berekraftig verdiskaping - regional plan for innovasjon og næringsutvikling 2021 - 2033» og med dei endringar som kjem fram i saka og desse endringane:

- eit nytt kulepunkt i sentrale føringar på s.18: «Utbygging av ny næringsutvikling og ny industri skal skje på ein så skånsam måte som mogleg.»

- I siste avsnittet av kapittel 4.4. (s.24) endrast «overordna retningslinjer» til «sentrale føringar» slik at omgrepa vert samstemt «sentrale føringar» i heile planen.

a. Fylkestinget i Vestland vedtek «Berekraftig verdiskaping - Handlingsprogram 2021» med dei endringane som kjem fram i saka.

2. Fylkestinget ber fylkesrådmannen om å utarbeide eiga sak om handlingsprogram 2022-2025 til fylkestinget som vidare oppfølging av planen

3. Fylkestinget gir fylkesrådmannen fullmakt til å gjere tekstlege endringar i plandokumentet i tråd med rammene i denne saka. Dette skal skje i samråd med fylkesordførar
4. Fylkestinget ber om at følgjande temaplanar vert utarbeidd i perioden:
  - Temaplan reiseliv
  - Temaplan landbruk, inkludert jordvern
  - Temaplan breiband og digitalisering
  - Temaplan forskning, blant anna med fokus på berekraftig og eksportretta industriutvikling
5. Fylkestinget ber om at det vert lagt stor vekt på tiltak som kan sikra og skapa arbeidsplassar i bransjar og område som er sterkt råka av korona-pandemien. Samstundes bør ein og i samarbeid med næringslivet, bidra til å utvikla industri for å møte dei utfordringar pandemien har avdekkja, til dømes innafør smittevern.
6. Fylkestinget legg til grunn at næringslivet blir sterkt involvert som deltakar og premissleverandør i det vidare arbeidet med å følgja opp planen.
7. Næringsplanen er eit førande rammeverk, men skal ikkje utelukka støtte til andre interessante initiativ og tiltak.
8. Fylkestinget vil peike på at det må arbeidast for tilgjengeleg næringskompetanse i alle delar av fylket.
9. Tillegg - Siste avsnitt (siste setningane) i pkt 3.4 under overskrifta «Sikre tilgang til arbeidskraft» vert endra til:

Konkurransen om arbeidskraft i Noreg vil auke i tida framover. Vi har ein unytta arbeidskraft-reserve hos menneske med ei eller anna form for funksjonsnedsetting. Vestland fylke vil både som arbeidsgjevar og saman med partnerane i næringslivet arbeide for at denne arbeidskrafta blir inkludert. Det er også behov for å legge til rette for fleire arbeidstakarar frå utlandet. Det vil framleis være behov for mellombels utanlandsk arbeidskraft, men det bør i større grad òg leggjast til rette for å auke tilflyttinga av utanlandske arbeidstakarar på meir permanent basis for å dekke opp behovet for arbeidskraft.